

Санкт-Петербургская
православная духовная академия
Архив журнала «Христианское чтение»

П.С. Смирнов

Начало безпоповщинской полемики по вопросу о браке

*Опубликовано:
Христианское чтение. 1906. № 9. С. 370-390.*

© Сканирование и создание электронного варианта:
Санкт-Петербургская православная духовная академия
(www.spbda.ru), 2009. Материал распространяется на основе
некоммерческой лицензии [Creative Commons 3.0](https://creativecommons.org/licenses/by/3.0/) с указанием
авторства без возможности изменений.



СПбПДА
Санкт-Петербург
2009

Начало безпоповщинской полемики по вопросу о бракѣ *).

Соборное посланіе выговцевъ къ польскимъ еведоствцамъ о бракѣ ¹⁾.

БОГОМЪ блудомъ и благодатию его сохраняемъ церкви, яже въ Державѣ Польской соблюдаемъ, и всюду въ васъ, идѣже христіанство хранимо, распростра-
няемъ,—благочестія рачителемъ: словущему учителю и общаго житія настоятелю духовному, Θεодосію Васильевичу ²⁾, со всѣми учительными людьми и еже о Христѣ братію, и боголюбивымъ христіанскимъ народомъ радоватися. Отъ иже въ сѣвернѣйшихъ странахъ, близъ ³⁾ окіянскія пучины, сожительствовающихъ пустынножителей, иночествующихъ и учительныхъ, и всякаго возраста христіанскаго сословія: мирное духовное цѣлованіе, во общую радость, ради единости вѣры въ единого Бога, и единого и тогоже крещенія христіанскаго, благодатию Господа нашего Ісуса Христа во вѣки ⁴⁾ аминь.

Слышахомъ, яже въ насъ иноки и учительные люди и вси благовѣрніи пустынножители и отъ нижегородскихъ странъ церкви благочестивыхъ случшіяся учительныя люди, отъ пришедшихъ отъ вашего благовѣрія нашей братіи, яже въ васъ соблюдаемое христіанство; ревность яже о чистотѣ

*) Продолженіе. См. августъ.

¹⁾ Рукопись И. О. Л. Д. П. № 0. СХLII, лл. 122—161 обор. Здѣсь есть надпись: „Списокъ съ посланія слово въ слово“ и далѣе на полѣ: „А. Д.“. Варіанты приводимъ по рукописямъ: а) И. П. Б. Q. I. 1083, лл. 84—111; и б) Владимірской семинаріи № 75, гл. 17. Въ первомъ посланіи надписывается: „посланіе Андрея Ден—ча къ Θεодосію Васильевичу, о староженахъ“, и на полѣ: „въ лѣто 7216“.

²⁾ 1083: Васильеву

³⁾ 1083: вблизи

⁴⁾ 1083: во вся вѣки

благочестія; тцаніе яже о молитвѣ, о постѣ и о дѣвствѣ; любовь Божію и къ ближнему; смиренномудріе, Христово подражаніе, зѣльное раченіе къ послушанію Божественнаго Писанія; и текущее преизобилное ученіе по подобію водъ рѣчныхъ, и неоскудѣваемо ¹⁾, но и богато преизливаемо, на хотящая душа человѣческая; пастырство, крѣпко оградю Писанія стрегомо, и овецъ благопослушное и благочинное спребываніе, милованіемъ же и общенія поданіемъ цвѣтуще, учительными же людьми украшено; иже церкви поборники, и христіанству заступники, согласія же и мира добліи рачители; иже не своя обычая пасуще, но Писанія и церковнаго Преданія стрегуще, въ написанныхъ Писаніемъ ополчающеса, въ неписанныхъ же перковнымъ преданіемъ и обычаемъ просвѣщающеса; сильніи же суще во еже за благочестіе отъ писаній ²⁾ бореніихъ, смиренніи же суще и кротцы и любовни, во еже спасеніе свое сострояти, по глаголемѣй церковнѣй притчи, во мнозѣ совѣтѣ, вѣдѣюще извѣстно въ смиренномудрыхъ своихъ душахъ, божественному Писанію глаголющу: еже бо множицею свершенныхъ мужъ ³⁾ оскудѣ, се отроча обрѣте, и еже премудрыя мимо тече, невѣждамъ открыся, и еже учителемъ утаися, ученикомъ найдеса. Къ симъ прочее да постыдятся тѣи, иже, или вражды ради подкочывають церковную правоту; или, по грубости и упрямству страждуть, хуляще и срамословяще случающимся недостаткомъ, исправляемымъ, по Писанію, во мнозѣ совѣтѣ; хотяще та содержати крѣпцѣ, яко нѣкій церковный догматъ, яже во обычаи принятыи случающіяся человѣкомъ недостатки, и винаще иже не гордымъ нравомъ, но съ смиренномудріемъ, о церковномъ виноградѣ пекущихся учителей, иже, что отнѣ прирастлое, истребляющихъ, и недостающее присаждающихъ; и таковыи, яко дивящеса, глаголють, и пререкують, почто преже сего не познаша въ каковыхъ любо, аще и въ малыхъ, вещехъ. И верховный убо апостоль Павелъ, до третіаго небеси восшедый, той во еже къ Филиппісіюмъ посланіи глаголетъ: братіе, азъ себе не у помышляю достигнути, едино же: заднихъ убо забывая, въ предняя же простираяся. Сіи же, яко превозшли уже третіе небо и высочайше Павла превосходятъ, не смѣють о себѣ мудрствовати, еже не у себе помышляю достигнувша. Еще же и другимъ, со смиренномудріемъ обыскующимъ и не единѣмъ, но во мнозѣ совѣтѣ исправляющимъ, зазирающе, не улышаша дивніи они божественнаго Златоуста глаголюща, во яже къ Римлянѣмъ посланіи въ бѣсѣдѣ 22: тѣмже и въ потребу другъ друга поставилъ есть насъ Богъ; аще бо и мудръ будеши, иного требуеши, аще ли же мнишеса не требовати, безумнѣйши

¹⁾ 1083: неоскудѣваему

²⁾ 1083: о писаніи

³⁾ 1083: совершенныхъ мужей

всѣхъ былъ еси и немощнѣйши, таковой бо и пуста себе составить помощи, и въ нихъ же аще согрѣшитъ, никоего же воспріиметь, ниже исправленія, ниже прощенія, и Бога прогнѣвить гордынею, и многая согрѣшитъ. Есть бо, есть многаяжды и мудрому не свѣдати потребное, и безумнѣйшему обрѣсти нѣчто отъ подобающихъ. Еже о Моисеи и его тести бысть, еже о Саулѣ и отроцѣ его, еже о Исаацѣ и Ревецѣ. Да не возмниши убо низложенъ быти, инаго требуя. Сіе бо тя наипаче возвышаетъ, сіе крѣпко тя творитъ, сіе же свѣтлѣйша тя и твердѣйша. И сія убо Златоустово. Что же, они древніи святіи мужіе не сидевымъ ли шествоваша смиренія путемъ, совопрошающесе другъ отъ друга? Да аще и съ кѣмъ приключися, и несрамляхуса, исправляеми когда. Сиринъ бо онъ, блаженный и великъ мужъ, иже удостоивыйся свитокъ Божій ясти, иже провидяй будущая и страшнаго суда тайны прознаменуя, той таковой помолился Богови, дабы съ таковымъ человѣкомъ случился, имъ же бы пользовался,—не блудницею ли поученъ бывъ на землю всегда зрѣти, изъ нея же взять бысть и создася, и со всякимъ смиренномудріемъ и благодареніемъ къ Богу пріять поученіе. Что же, пречудный Макарій, помолися ¹⁾ подобнѣ Ефрему, не единымъ ли отрокомъ, воли пасущемъ, такожде поученъ бысть, како подобаеть яди причащатися, да еще и поношенъ бысть имъ, рекшимъ ему: или паки осель еси, авва ²⁾. Что же, честный пресвитеръ онъ, иже, великаго ради своего беззлобія и чистаго житія, сподобивыйся отъ божественныя благодати ангела ³⁾ выну зрѣти одесную олтаря стояща и служаща ему: не единымъ ли діакономъ, пришедшимъ къ нему отъ Константина града и служащемъ ему, исправленіе пріять, о немъ же толика лѣта отъ невѣднія согрѣшаше, рѣчи нѣкія северіанскія ереси приглашая надъ божественными тайны. Иже и предстоящему божественному ангелу, аки стязаяся, о немъ же толика лѣта предстоя, и съ нимъ служа божественная, замолчавъ ему таковое согрѣшеніе, противу ⁴⁾ слышалъ. Тако Богъ есть оправдалъ, яко человѣкомъ отъ человѣкъ паки исправлятися: и сіи убо сиче навывкнущи отъ Божія откровенія, пользу другъ отъ друга пріимати. Но и въ самѣхъ верховныхъ апостолѣхъ обрящеть, кто люботруднѣ прочитай божественная Евангелія. И тии бо, якоже человѣцы, исправляеми бываху, и не срамляхуса явѣ всѣмъ написати во святыхъ Евангелиихъ тѣ свои бывшія недостатки. Петръ убо верховнѣйшій и теплѣйшій, иже услышавый отъ Господа: „блаженъ еси, Симоне, варъ Іона“, и обѣщаніе оно, еже основаніе церкви на исповѣданіи

¹⁾ 75: помоли

²⁾ На полт: мѣсяца марта, въ 13 день.

³⁾ 1083: ангелы

⁴⁾ 1083: противное

его положить, и не помножь словеси слышитъ: „иди за мною, сатана, соблазнъ ми еси, не мыслиши бо яже суть Божія, но яже суть человѣческая“.

Нынѣ убо да престануть поимы творящїи, и не къ полезному, но къ зазору и тщеславію взирающїи и оклеветаящїи христіанская сословія, яже во мнозѣ совѣтѣ другъ съ другомъ совопрошающихся и недостатки исправляющихъ.

Аще ли и еще бывають учителя горцы клеветницы и христіанству мятежь творящїи, и исправленія во мнозѣ совѣтѣ ненавидащїи: да оглаголають убо и Петра, иже толикїя тайны навѣкій, и отъ Христа ублажаемый и бѣсы изгнавый, почто не позна, и глаголаше глаголы противныя ¹⁾ Христову смотрѣнію, имъ же и отъ Христа сатаною оглаголуется; также и прочихъ святыхъ, иже во мнозѣ совѣтѣ спасеніе свое строящихъ и потомъ научающихся. Аще ли дерзостно есть сіе и богохульно на таковыхъ святыхъ дерзати таковая: како не безумія полно будетъ и дмѣнія таковое мудрованіе, иже намъ, множае отстоящимъ отъ толь таковыхъ свѣтилъ великихъ, нежели земли отъ небеси; и еще бы ²⁾ другъ отъ друга совѣта не требовати, или требующимъ и пользующимся возбраняти и зазирати, да еще и въ толикое тмострастноѣ, рати и смущенія и невѣдѣнія изнаполненное, послѣднее время! И подобало бы таковымъ съ церковію согласно глаголати и мудрствовать: вся церковная преданія, писанная и неписанная, непреложно сохраняюще, и спасеніе творяще во мнозѣ совѣтѣ, лобызати бы христіанское согласіе, яже божественными Писаніи и церковными преданіи утверждающееся и красующееся, и недостаточное направляемое.

Оставимъ же убо таковымъ отъ реченныхъ и паче сихъ обрѣтаемыхъ божественныхъ писаніихъ и отъ вашего ³⁾ доблаго учительства направлятися, или неисправленныхъ сущихъ подкопниковъ и подглядчиковъ въ невѣжество ихъ и въ непокорномъ обычаѣ шеперяти, якоже позволиша. Мы же отъ божественныхъ писаній учимы есмь, и не срамляемъ, когда въ чесомъ исправляемъ отъ боголюбивыхъ своихъ братій, да и всегда требуемъ, и не глаголемъ въ церкви, яко во всемъ вразумихомся, и испытахомъ законъ Божій, но еще молимся и съ пророкомъ Давидомъ въ церковныхъ и обычныхъ моленіихъ воиѣмъ къ державному нашему Владыцѣ и Богу: вразуми мя и испытаю законъ Твой и сохраню всѣмъ сердцемъ моимъ, и сіе даже до самыя смерти. И паки за невѣдѣніе воиѣмъ: услыши мя въ правдѣ Твоей (а не въ моей) и не вниди въ судъ съ рабы Твоими; и сіе чесо дѣля? зане не оправдится предъ Тобою всякъ живой.

Во яже бо апостольской, католической во святую едино-

¹⁾ 1083 и 75: противны

²⁾ 1083 и 75: и аще бы

³⁾ 75: отъ нашего

сущную Троицу вѣрѣ, и въ догматѣхъ церковныхъ апостольскихъ, и седми святыхъ вселенскихъ, и девяти помѣстныхъ соборовъ преданіяхъ, яже содержала греческая издревле и російская церкви до Никонова настатія, и во святыхъ книгахъ напечатанныхъ и писанныхъ и неписанныхъ обычныхъ церковныхъ преданіяхъ, и во единомъ святомъ христіанскомъ крещеніи, а не еретическомъ, согласно и единогласно издравлѣ и до нынѣ, отъ отецъ нашихъ и страдальцовъ священнаго чина и иноческаго полка, и учительныхъ людей, и нынѣ отъ насъ, грубыхъ, исповѣдуется и проповѣдуется и безъ сумнѣнія и какова обысканія содержится, и съ вашею любовію, благочестивыми учительными людьми и прочимъ христіанскимъ народомъ, единогласно и согласно глаголемъ: единъ Богъ, яже православными древними догматы проповѣдуемый и славимый, а не еретическими новинами, и едина вѣра, древняя православная каѳолическая, яже изъ ребръ распятаго на трисоставномъ певгѣ и кедрѣ и кипарисѣ—единомъ крестѣ Владыки нашего Ісуса Христа, истекшая и единымъ трисоставнымъ крестомъ утвержденная и освященная, и всегда освящаемая, и на лицѣ своемъ единымъ истиннымъ крестнымъ знаменіемъ, исповѣдуемая и прославляемая, и отъ ересей не оскверняемая, и никогда съ ними мѣшаемая, и никакова съ ними общенія не имѣемая: кая бо часть Христу съ велиаромъ, или кая часть вѣрному съ невѣрнымъ, ниже отъ нихъ что пріемлетъ; вѣсть бо Писаніе, глаголющее: отъ нечистаго ¹⁾ кто очистится, ниже отъ себе что имъ подаваетъ. Отъ самого бо Христа учима и повелѣваема—не давати святая псомъ; тако же и въ единаго Бога, въ единности вѣры и о единомъ истинномъ крестѣ подаваемое, исповѣдуемъ едино крещеніе. О иной же ²⁾ каковы любо неправой церкви, во иной не животворящій крестъ ведущееся согласіе, и отъ него подаваемое крещеніе не пріемлемъ въ единость вѣры нашея православныя, но со апостольскими правилами глаголемъ: ибо отъ тѣхъ крещеній не крещены, и поставленій не причетницы. И сія убо, въ добрѣ вѣрныхъ христіанѣхъ, ни изысканія, ни стязанія требуютъ, развѣ яже отъ частаго отъ божественныхъ писаній прочтанія, и изысканія яснѣйшей и свѣтлѣйшей разумъ утверждается, и обученія ко ополченію яже къ сопротивляющимся рати укрѣпляется. А о яже ко святѣй вѣрѣ пристоящемъ житію и храненію, и во всякомъ заповѣданіи христіанскаго жительствова, како съ тѣмъ благочестія сокровищемъ до вышняго Іерусалима церкви ³⁾ шествовати путемъ, и чтобы на десно въ безмѣріе какое, или на шуе въ слабость кую не поползнутися: и сія убо и училися и учимся и учитися даже до смерти

¹⁾ 1083: отъ нечиста

²⁾ 75: отъ иной же

³⁾ 1083: царскимъ

еще требуемъ, и къ Богу съ церковію вопіемъ: вразуми мя и испытаю законъ Твой; и паки: закону Твоему, Господи, научи мя; и еще: Господи, научи мя оправданіемъ Твоимъ. Еще же и въ чинѣхъ и уставѣхъ церковныхъ и келейныхъ молитвъ къ Богу ¹⁾ приношеніе, и въ крещеніи, и въ покаяніи, и въ прочихъ нужныхъ церковныхъ тайнахъ,—зане отъ святыхъ отцевъ ²⁾ кромѣ священниковъ во время нужды творимо и впредь заповѣдано бывати,—и како въ сихъ не многому совѣту и обысканію потреба? Еще же множицею,—каково чудо!—и невѣдѣнію бывати въ толь таковыхъ тончайшихъ вещьхъ, еще же и нужнѣйшихъ, безъ нихъ же христіанству состоятися невозможно. Понеже вечерню и поветчерницу, полунощницу и утреню, и часы, и въ крещеніи, и въ покаяніи, священникъ начинаетъ іерейскою властію „Благословенъ Богъ“, и прочая, такоже и по „Отче нашъ“ во ектеніяхъ, и на отпустахъ и во инѣхъ многихъ случаяхъ. И аще начнемъ вся по немъ творити, въ безмѣріе впадемъ, и боязнь обдержитъ, да въ восхищеніе недарованнаго не впадемъ. Аще ли отъ безумнаго страха запяти, вся отложимъ, то на шуй путь въ темномъ и помраченномъ безуміи обрящемся и всячески будемъ пусты и наги христіанства. Сего ради глаголетъ Соборникъ: не уклоняйся ни на шуе, ни на десно, но путемъ царскимъ шествуй. Подобнѣ же и во яже другихъ сожитій, и спребываніихъ, и сообщеніихъ, и дѣлѣхъ, о инѣхъ же глаголетъ: съ не приобщенными приобщаяся и самъ не приобщенъ; въ другихъ же: не осуждайте, да не осуждены будете. Да не потреба ли и здѣ многаго страха и боязни и опаснаго обысканія, и съ совѣтомъ искуснѣйшихъ и Бога боящихся мужей, иже во дни и въ нощи повыну о сихъ упражняющихся, да не како отъ какова невѣдѣнія, ли во оскудѣніи, ли въ безмѣріи, отъ царскаго пути совратимся и равно за обоя отъ Владыки и всѣхъ Бога осудимся. Сихъ ради не стыдимся ³⁾, еще во учимыхъ чину быти, и даже до смерти къ Господу вопити: открий очи мои и разумѣю чудеса отъ закона Твоего; и сіе чесо дѣла? Зане пришлецъ азъ есмь на земли, не скрый отъ мене заповѣди Твоя. И паки къ зѣльному раченію послѣдованіе псалма влечется, глаголя: „возлюби душа моя возжелѣти судьбы правды Твоя на всяко время“. Убоятижеса напредвлекущихся ⁴⁾ глаголь псалма того подобаетъ, наипаче тѣмъ, иже со смиреніемъ ⁵⁾ мудрованіемъ не хотящимъ учиться, и, по Златоусту, другаго требовати, еще же о взыскующихъ и исправляющихся укоряющимъ и въ чужемъ оцѣ малъ сучецъ прежняго невѣ-

¹⁾ 1083: и Богу

²⁾ 75: отецъ

³⁾ 1083: не постыдимся

⁴⁾ 1083 и 75: напредвлекущихся

⁵⁾ 75: со смиреннымъ

дѣнія, яже потомъ и исправленія зрящимъ, во своихъ же очесѣхъ мысленныхъ цѣлаго бервна, надмѣннаго и грубаго мудрованія и тмы невѣдѣнія, и не прежде бывша, но еще и нынѣ пребываемаго, сего невидящимъ, зане грозенъ судъ. Потомъ псаломникъ износитъ, глаголя: запретилъ еси гордымъ, прокляти уклоняющіися отъ заповѣдей Твоихъ, и къ таковымъ убо во урочеваніе довлѣющая сипцевая.

Къ вамъ же, о боголюбивіи и братолюбивіи церковніи питомницы ¹⁾, кое слово наше грубое довлѣетъ къ показанію вашего благочестія, и добродѣтельныя ревности, и смиренно-мудраго основанія; ниже бо множае похваляти дерзаемъ, иже отъ Бога похваляемыхъ и отъ Его благодати просвѣщаемыхъ, ниже о какихъ ²⁾ совѣтовати смѣемъ къ таковымъ, иже довольны суть и инѣхъ научати. Но понеже любовь Божія, совокупившая ны во едино упованіе вышняго званія, та устрояетъ во мнозѣ совѣтѣ бивати нашему спасенію, та убо и вся беззавистодержнѣ дерзаетъ и учитися, и учить, и совѣтовати о полезнѣмъ ³⁾ и совѣта блага искати, та и понудила премудраго нѣкоего рещи: дай премудрому вино и премудрѣе будетъ,—та и насъ, нынѣ соборнѣ собравшихся, возжгла огнемъ любовнымъ о вашемъ преспѣваніи благочестія радоватися, и зѣло возрадоватися. Та же убо и понудила насъ писати къ вашей любви о привнесшемся обычаи въ нѣкихъ христіаннѣхъ ваша паствы, иже въ невѣдѣннѣ христіанства спрягшіися съ женами, и потомъ, по познаніи и по крещеніи, паки сожительствуютъ чадородіемъ, кромѣ бываемаго на таковыхъ браковѣнчанія. Къ попушенію же таковыхъ сожительствъ приводится отъ вашего пастырства свидѣтельство отъ слова преподобнаго отца Іосифа Волоцкаго, яже онъ, обличая нѣмецкое заблужденіе, писаше, оправдая иноческое дѣвственное житіе, въ свидѣтельство же приводя святого священно-мученика Климента, Петрова ученика, яже онъ глаголетъ: Егда, рече, святой апостоль Петръ приде въ Римъ, и егда Софію востави отъ недуга, иже бѣ царскаго рода, приде ту царь ея ради и мужъ Софіннѣ, синклитъ старѣйшій римскаго града, и преже всѣхъ вѣрова Софія и мужъ ея въ Господа нашего Ісуса Христа; и вѣроваша въ той день три тысящи, бысть во градѣ радость велия. И повелѣ апостоль поститися всѣмъ чотыредесять дней; и пришедшу времени крещенія, крести всѣхъ: во имя Отца и Сына и Святаго Духа. Потомъ же всѣмъ повелѣ внити въ церковь и повелѣ молчанію быти, и начать учить. И рече, ослабленнымъ лицемъ: се Израиль новый, и се языкъ святъ, очищенъ водою и Святымъ Духомъ, и ина многа глагола яже времени приключна. Потомъ же рече: братія и сестры!

¹⁾ 75: питомцы

²⁾ 1083; о такихъ

³⁾ 1083: о полезныхъ

койждо якоже изволить да приметъ сіе житіе, аще кто хоцетъ истинное и чистое житіе нетлѣнныя свѣтлости безплотнаго воинства—приметъ дѣвственную лѣпоту, и удаленіе мирскихъ вещей, и приступитъ къ намъ, — аще ли же мужъ, аще ли жена, яко сестра Софія. И раздѣлиша имѣніе ¹⁾, и приступиша къ нему отъ нихъ 160, дѣвственное житіе пріяша. Апостоль же тѣхъ пострици повелѣ, и въ сукняны ризы черныя повелѣ одѣяти ихъ, и поясы усмяни поясати о чреслѣхъ ихъ. И рече апостоль: аще кто хоцетъ воздержатися и легокъ на высоту быти измѣною, да идетъ на особныя мѣста тихая, ту да праздуетъ молитвами, и алканіемъ, и почитаніемъ, и ума очищеніемъ; прочіи же, по своему подобію, якоже кто изволить. И сія убо свидѣтельства пріемше въ руку соборнѣ разсматрѣюще и не обрѣтаемъ въ нихъ помогающее такому сожителству ни мало. Принеси убо и нынѣ, съ Богомъ Помощникомъ да истяжемъ опасно та словеса святаго апостола Петра, къ кому онъ рече: произволившимъ дѣвствовати тако жити научи, прочіи же по своему подобію, яко же кто изволить? И сихъ ради словесъ аще надежно крещшимся мужу и женѣ безъ вѣнчанія смѣшатися? Но понеже онъ, верховный апостоль Христовъ, не къ супружнымъ точію вѣщая сія словеса, но ко всему народу, тремъ тысящамъ, въ нихъ же, толикомъ народѣ, лѣпо быти и супружнымъ и несупружнымъ, юношамъ и дѣвицамъ, и дѣтемъ малымъ, отъ нихъ же, толикого множества народа, точію 160 дѣвственное житіе пріяша, прочіи же по своему подобію, яко же кто изволить. И аще безъ вѣнчанія кто возмнитъ сихъ ради словесъ жити ²⁾, то не точію супружнымъ, но и юношамъ дѣвиць поимати безъ браковѣнчанія попуститъ, понеже общее ко всѣмъ сіе слово речеса, и явенъ блудъ въ церковную породу внидетъ тако.

Аще ли же кто восхоцетъ отдѣляти супружныхъ отъ несупружныхъ, глаголя, якоже и глаголють: сіи въ невѣдѣніи посягли, друзіи же въ вѣдѣніи, — и сего разума во апостольскихъ словесѣхъ онѣхъ, поискавъ, не обрящеши, и раздѣляти ихъ будетъ по нѣкоему своему разсужденію, а не по апостольскому законоположенію. Аще ли же глаголати кто будетъ, яко до крещенія посягшии крещеніемъ освящаются, и того ради имъ сожителствовати попускается, по крещеніихъ же шедшимся ³⁾ безъ вѣнчанія невозможно,—и понеже по крещеніи сущимъ поимати жены безъ церковнаго чиннаго браковѣнчанія мерзко есть и нечестиво и апостольскаго и отческаго законоположенія чужде, всякому вѣдомо есть,—покажемъ ⁴⁾: откуда тии крѣплятся, иже до кре-

¹⁾ 1083: имѣніе свое

²⁾ 1083: сихъ ради словесъ быти

³⁾ 1083: по крещеніи же шедшихся

⁴⁾ 1083 и 75: покажи ми

щенія совокупившіяся—и по крещеніи смѣшатиcя имъ кромѣ церковнаго чиннаго браковѣчанія, понеже во апостольскомъ законоположеніи и вышереченномъ свидѣтельствѣ того разсужденія не обрящеши, а отъ всѣхъ божественныхъ Писаній явѣ показуется, яко ина тайна есть святое крещеніе, и другая есть браковѣчаніе. Крещеніе бо супружныхъ и не супружныхъ равно освящаетъ и отъ Адамля первороднаго грѣха очищаетъ и отъ всѣхъ прочихъ его богомерзкихъ дѣяній обмываетъ; а не мужа съ женою во едину плотъ совокупляетъ, но особо мужеви и женѣ подается и отъ прежняго языческаго совокупленія очищаетъ, и Божіе сыновство подаетъ, и во Христа облакаетъ крещаемого: „елипы бо во Христа креститесь, во Христа облекостесь“, — апостольское священное слово насъ ¹⁾ научаетъ и отъ ветхаго убо челоуѣка, тѣлемаго въ похоти, совлечеса крещаемый, въ новаго же облечеса — Христа. И понеже первое кого сожитіе съ женою, до крещенія, по ветхому бысть челоуѣку, — всякому вѣдомо есть, — и понеже ветхаго совлечеса, совлечеса и дѣяній его; отста и отъ совокупленія жены, иже не по церковному освященію ему даемыя, въ новаго же облечеса, — не убо и оба вкупѣ, но особъ убо мужъ, особъ же жена. И отъ браковѣчанія исходятъ: овъ больши, другая же меньши ²⁾, овъ глава женѣ, другая же покореніе нося, и бывають оба въ едину плотъ, якоже священный чинъ церковный браковѣчанія насъ научаетъ. Отъ крещенія же оба исходятъ равно во Христа облечена, ни овъ больши, другая же мнѣе, о Христѣ бо Иусѣ иѣсть мужескъ полъ, ни женескъ; крещеніе бо братство подаетъ, а не тѣлесъ совокупленіе. И зѣло бѣдовмѣтно есть и страха полно таковымъ смѣшатиcя кромѣ церковнаго брачнаго освященія, а наипаче кромѣ всякаго яснаго свидѣтельства божественныхъ Писаній. А еже апостоль Петръ на двѣ жительствѣ уставляя челоуѣчскій родъ, по произволенію коегождо сія глаголя ³⁾, произволяющимъ дѣвственное житіе—такъ жити научи, прочіе же—по своему подобію, яко же кто изволитъ. И аще, таковаго ради слова, — зане яснѣ не речено о браковѣчаніи, — кромѣ брачнаго освященія держати поимати жены, и аще таковымъ намѣреніемъ начнемъ божественная Писанія разсуждати, наипаче же та, яже въ крайности ⁴⁾ нѣкогда реченная, а съ церковнымъ прочимъ божественнымъ чиномъ же и уставомъ, яснѣ положеннымъ отъ святыхъ отецъ, не сочетати и потому не разсуждати: вся намъ растлятса и горняя долѣ будутъ, дольняя же горѣ; не точію бо во апостольскихъ рѣчехъ тогда обрящеши кратко реченныхъ, но и послѣ того о поиманіи женъ обрящеши.

¹⁾ 75: насъ—*нѣтъ*

²⁾ 75: мнѣе

³⁾ 75: глагола

⁴⁾ 75: въ краткости

Яко же въ житіи святаго Николы въ чудеси его, еже о трехъ дѣвицахъ, ихъ же хотише отецъ за нищету блуду отдати; святой же Никола даяше ему тайнымъ обычаемъ коеждо по узлу злата; и по первомъ мужа онаго пріятіи злата пишеть: и тако едину отъ дочерей своихъ старѣйшую абіе мужевѣ сочета, а еже съ вѣнчаніемъ или безъ вѣнчанія, сего написати не приложи. И аще смѣемо есть кому мудрствовати, краткореченныя ради оныя рѣчи, яко древній христіяне безъ браковѣнчанія отдаяху мужевѣ дщери своя, не явно ли будетъ сіе неистовство и ума изступленіе? Подобнѣ же и въ Соборникѣ печатномъ большомъ, въ субботу сырную, въ словѣ второмъ святаго Григорія мниха о святѣмъ Аммоніи пишеть: сего Аммона рѣша отъ Далматіи родомъ, ему же во время брака dospѣвшу сожительницу и не хотящу дають родителіе благородну бо и красну, и тогова душевнаго благородія достойну, а еже съ вѣнчаніемъ или безъ вѣнчанія, сіе святой умолча. И аще и сихъ ради словесъ возможно будетъ кому неистовствовати и кромѣ соборнаго преданія и церковнаго чиннаго браковѣнчанія поимати жены, сіе бо и отъ васъ, и отъ насъ, и отъ всякаго благочестиваго ¹⁾ ненавидимо и гнушаемо есть, и, якоже выше рѣхомъ, многая привходитъ чловѣческому роду пагуба отъ невниманія краткихъ рѣчей и несочетанія къ прочему церковному учительству. Отъ сихъ бо невниманія и древній въ коилку бѣду впадоша, отъ нихъ же малая речемъ. Апостолу рѣкшу: во всякомъ языцѣ бойся Бога, дѣлаяй правду пріятенъ ему есть: и сихъ ради словесъ падаху мнози, мняще и безъ святаго крещенія, и безъ правыя вѣры, боящемуся Бога и дѣлающему правду пріятну быти отъ Бога. Сего ради обличаются отъ многихъ инѣхъ божественныхъ Писаній, наипаче же отъ преподобнаго отца нашего ²⁾ Иосифа Волоцкаго, въ книзѣ его, въ словѣ 5-мъ. Подобнѣ же тому и въ вышереченныхъ, яже о супружествѣ женъ, яже апостольскую рѣчь списатель кратко написа: прочіи же по своему подобію, якоже кто изволитъ. Не бо рече: изволитъ безъ браковѣнчанія, но по подобію, и ко всѣмъ 3-мъ тысячамъ народу рече, въ нихъ же лѣпо бѣ супружнымъ и не супружнымъ быти. Помысли, и нынѣ егда бы гдѣ было три тысячи вновь вѣрующихъ, отъ народа градскаго и поселянскаго: въ нихъ же обрѣлъ бы супружныхъ и безсупружныхъ, юношъ и дѣвицъ, вдовцовъ и вдовицъ. А яко бяху тогда во апостольское первое ученіе и вдовицы, и сіе обрящещи у апостола Павла къ Тимофею написанное, еще же и отъ житій святыхъ, въ та времена бывшихъ. И аще ко всѣмъ тѣмъ апостолу рѣщи безбрачно сопрягати и безъ священія и благословенія апостольскаго, или епископскаго, или іерейскаго смѣши-

¹⁾ 75: благочестивѣйшаго

²⁾ 75: нашего---нѣтъ.

ватися чадородіємъ просто, колика бѣда привозшла бы чело-
вѣческому роду отъ таковаго разумѣванія!

А понеже вышереченіи: яже отъ святаго Николы чу-
деса — сопряже мужеви дщерь свою; такожде и отъ Собор-
ника — святому Аммонію сожительницу даютъ и не хотя-
щему ¹⁾ родителіе, или вышереченная Петра апостола рѣчь
къ тремъ тысящамъ народа: прочіи же по своему подобію
якоже кто изволить, — съ вѣнчаніемъ ли или безъ вѣнчанія,
сія вся отъ обоихъ умолчана быша. Подобнѣ и таковыхъ
ради краткихъ и не яснѣ реченыхъ рѣчѣхъ смѣмо ли бы
нынѣ отъ насъ попустити безъ всякаго іерейскаго благо-
честивыхъ ²⁾ вѣнчанія и благословенія супружнымъ, како-
вымъ любо и гдѣ любо поимшимся, или въ сродствѣ, или
не въ сродствѣ. Понеже въ тѣхъ рѣчѣхъ о всемъ томъ
умолчано и разбора никакова не написано: или и не супруж-
нымъ поимати, гдѣ кто хочетъ, и сожительствовати и блуд-
ное жити житіе и ничто же отъ безсловесныхъ разньствующее?
И колика бѣда спасенію нашему отъ сего привнесется!
Сего ради божественніи наши отцы, всегда насъ отъ сомни-
тельныхъ отводяще, на ясная свидѣтельства приводятъ, на
нихъ же мощно кому непоколеблему и извѣстну жизнь себѣ
стяжати, якоже таковыхъ ради и симъ подобныхъ словесъ
вселенскій учитель Василій Великій, въ книзѣ о постниче-
ствѣ, въ главѣ 268 глаголетъ: слова святаго Писанія, яже
видятся сомнѣнна и покрыта, изъясняются и открываются и
толкуются явными и ясно реченными во инѣхъ мѣстахъ
св. Писанія, а не явная мрачными и неявными разумѣвати, но
явными — мрачная. Но и Максимъ, іеромонахъ пелопонисійскій,
въ книзѣ своей Сѣчивцѣ, главѣ 10-й, глаголетъ: добрѣ гла-
голетъ Василій Великій, яко мрачная и неудобъ разумѣ-
ваемая божественнаго Писанія подобаеъ уразумѣвати иными
явными и удобъ разумѣваемыми во иныхъ мѣстахъ боже-
ственнаго Писанія глаголемыми, яко мрачная часть Писанія
изъясняется отъ явныхъ частей того, а не явная мрачными
и неявными разумѣвати, но явными мрачная. И гдѣ убо и
кто извѣститъ о супружествахъ ³⁾? Книга Кормчая, яже
по существу своего правительства отъ святыхъ отцевъ и
имя себѣ стяжа, иже направляетъ всякаго ума человѣче-
скаго на шую и на десно не уклонятися, но царскимъ
благочестія прямо шествовати къ вышнему царствію путемъ:

¹⁾ 75; и не хотящу

²⁾ 75: благочестивыхъ — *нѣтъ*.

³⁾ 1083 и 75: Василій Великій, въ книзѣ о постничествѣ въ гл. 247
глаголетъ: сомнивая и сокровеннѣ речена быти мящаяся въ нѣкихъ
мѣстѣхъ богодухновеннаго Писанія отъ иже во инѣхъ мѣстѣхъ исповѣ-
дуемыхъ объявляются. И гдѣ убо и кто объясненнѣ извѣститъ о супру-
жествахъ?

та убо о тайнѣ супружества, си есть законнаго брака, въ главѣ 51 сице яснѣ вѣдати даетъ ¹⁾, глаголя: Супружества или законнаго брака тайна отъ Христа Бога уставлена есть во умноженіе рода человѣческаго и въ воспитаніе чадъ къ славѣ Божіей, въ неразрѣшимый союзъ любви и дружества и взаимную помощь, и во еже огребатися грѣха любодѣянія. Вещь сія тайны есть мужъ и жена, въ приобщеніе брака честно, кромѣ всякаго препятія правильнаго, совокупитися изволяющіи; форма си есть образъ или совершеніе ея суть словеса совокупающихся, изволеніе ихъ внутреннее, предъ іереомъ извѣщающая, да убо честно и безъ всякаго препятія правильнаго тайна брака совершится, параклиный іерей сія тощю вся да сохранитъ. О, сколь святолюбно священныи церковныи законъ быти заповѣдуетъ браку, кромѣ всякаго препятія правильнаго! Къ симъ да угаснуть ти,—въ правой вѣрѣ мнящіяся быти, а яже отъ еретикъ бывающіи браки позволяющіи,—зане не тощю въ брадѣхъ, но и вся вѣра ихъ противна правиламъ апостольскимъ и отеческимъ, иже подъ анаѣему вѣчную отсылають, новины убавки и прибавки ко святымъ церковнымъ преданіямъ держающихъ. Еще же и всѣмъ намъ познавати должно суть, яко образъ или совершеніе брака предъ іереомъ совершается, а не предъ кѣмъ инымъ ²⁾, яже отъ несвященныхъ. И паки, въ той же главѣ, пониже того, на листу 523-мъ, на оборотѣ: вѣнчанію и благословенію супружества въ церкви достоинъ совершатися, предъ людьми. Здѣ разумѣваемо есть, яко бракъ истинныи, отъ Христа уставленный, и со іереомъ въ церкви Божіи совершается и кромѣ всякаго препятія правильнаго, а понеже сіе крѣпко и утверждено, кромѣ сего состоятися не возможно. На концѣ священнаго онаго церковнаго законоположенія пишеть: сія вся предположенная ученія отъ правилъ богоносныхъ отецъ и ихъ ученій собранная кійждо параклиный священникъ всяко со опасеніемъ всякимъ хранити долженъ есть. И сія убо богодухновенное оно церковное преданіе явѣ и яснѣ показуеть намъ незаблуждаемый путь, во яже о священныхъ брадѣхъ, кія церковію пріятыя и проповѣдуются: иже аще отъ Христа законоположенныя и чрезъ апостолы и святыхъ отецъ во всю вселенную укрѣпленныя, имъ же и со іереомъ и въ церкви совершатися повелѣвають. И не бо кто можетъ обрѣсти вину и рещи, яко во время нужды и безъ церкви или безъ священника мощно браку совершатися, якоже и прочимъ священнымъ тайнамъ,—крещенію и покаянію. Понеже духовніи святіи апостоли и святіи отцы вѣдуще извѣстно, яко кромѣ крещенія и покаянія спастися кому нѣсть возможно, яко же божественная Писанія учитъ насъ; безъ брачнаго же сопряженія воз-

¹⁾ 1083 на полѣ Книга Кормчая, глава 51, листъ 521

²⁾ 75: а не предъ нимъ, яже

можно есть спастися, яко по апостольскому словеси: тщится произволивый тако угодити Богу, а не женѣ, а иже не тако—женѣ тщится угодити, а не Богу. И паки, по преподобну Ивану ¹⁾ Лѣтвичнику, подобенъ немущему желѣзь на ногахъ и простъ итти къ вышнему званію, точію же аще восхощетъ постомъ, и молитвами ²⁾, и смиреніемъ, и трезвѣніемъ ума тещи. Того ради крещенію и покаянію, нужнымъ тайнамъ, и кромѣ священнаго чина и безъ церкви совершится во время нужныхъ случаевъ попустиша. Браку же—точію единѣмъ чиннымъ церковнымъ освященіемъ, кромѣ же того никакоже какое супружество въ церковь приеъмлется, якоже въ преждереченномъ церковномъ священномъ преданіи. Иже въ Кормчей книзѣ на листу 522—мъ объявленнѣ законополагаетъ: Изряднѣе же да вѣсть и іерей, яко супружество между восхищающимъ и восхищенною, егда сама восхищенная въ власти восхитившаго ю пребываетъ, такожде и потаенная и вся прочая супружества, яже не съ благословеніемъ церковнымъ и чиннымъ отъ своего си пастыря, си есть отъ епископа или отъ тоя парахин священника, вѣнчаніемъ при дву или тріехъ поне свидѣтелей свершаемая, по соборному уставленію и святыхъ отецъ ученію, незаконна, паче же беззаконна, ничто жѣ суть.

Что сихъ объясненнѣе священнаго церковнаго закона глаголь: иже вся вкупѣ супружества бывающая кромѣ церковнаго чиннаго вѣнчанія, яко беззаконная отшметъ и кому смѣти за толь таковымъ крѣпкимъ церковнымъ запрещеніемъ жити съ женою смѣшати беззаконно, кромѣ церковнаго чиннаго вѣнчанія? И да не глаголетъ кто, яко до крещенія шедшимся лѣтъ есть по крещеніи смѣшати. Здѣ бо церковнымъ закономъ, яко ножемъ истины, прерѣзуютъ вся извѣты и единымъ словомъ заключаютъ церковную тайну, глаголя: вся прочая супружества, кромѣ вѣнчанія, беззаконна. И елма глаголетъ: вся супружества,—къ тому прочее ни единаго супружества оставляетъ быти въ церкви, кромѣ чиннаго церковнаго вѣнчанія. И сидевъ убо ясный церковный законъ: коль чистъ во свѣтлѣ совѣсти послушающаго зрѣти! Устраиваетъ церковныя тайны и ни откуду сумнятися и скитатися внѣ предѣлъ церковныхъ попускаетъ. А яже не яснѣ рѣченная: колико сумнѣніе приносятъ, а наипаче егда кто не по прочимъ церковнымъ, свѣтлѣ реченнымъ, свидѣтельствамъ приметъ, яко же и вышепомянутое, преподобнымъ Іосифомъ реченное, апостольское слово. Отъ нихъ же какова послѣдуетъ бѣда, всякому, прилѣжнѣ внимающему, вышереченная о томъ самомъ апостольскомъ словѣ наша бесѣды явленно есть. Елма убо нужно о сихъ воспомянути, яко преподобнымъ отцемъ Іосифомъ Волоцкимъ все оно

¹⁾ 75: Іоанну

²⁾ 75: и молитвою

составлено слово на церковныхъ ратниковъ лютеровъ и кальвиновъ, отмеущихъ иноческое дѣвственное житіе. Сего ради онъ, богоносный мужъ, низлагая онѣхъ злохитрый языкъ, многая отъ апостолъ и отъ намѣстниковъ ихъ апостольскихъ приводя свидѣтельства, отсюду оправдую иноческое дѣвственное житіе, ратуя и повлачая непреподобное тѣхъ мудрованіе, и вся во ономъ словѣ обрящещи о иноческомъ чину глаголюща и борющася его съ церковными и Божьими враги,—и сихъ ради и чинъ и дѣйство его описуетъ. О брацѣхъ же, гдѣ и прилучится рещи ему, малымъ и краткимъ словомъ глаголетъ: никакая бо бѣ нужда преподобному оному мужу о брацѣ объяснить; въ церкви чину несумѣнну о томъ лежащу, и никто же бѣ сумняся или ратуяи тогда. Ниже неправедными лютеровъ и кальвиновъ языцы о сопряженіи женъ ратоваху, но о томъ еще зѣльнѣ и стояху, мнящежеса онѣмъ сопротивлятися тому—иноческое дѣвственное житіе низложити блудными тѣхъ нравы и богоборными языки спѣшаху. Сихъ ради все составленіе онаго слова къ тому зреть, еже утвердити иноческое дѣвственное житіе, а не о еже безъ вѣнчанія кого въ супружество до крещенія, или по крещеніи шедшихся попустити. Егда бо и самое оно воспомяну Петра апостола, яже въ Римѣ три тысящи крести и 160 избра дѣвственное житіе, прочіи же по своему подобію, якоже кто изволитъ: къ симъ словесемъ преподобный онъ мужъ свѣтло воскрича, сие рѣкій: се убо всѣмъ разумно есть, яко иноческое житіе предаль есть апостолъ Петръ. О брацѣхъ же умолча и, не объясняетъ, и гдѣ придетъ ему рещи краткословіемъ, ради того, яко они развратницы, люторове и кальвини, на едино точію сопряженіе женъ все человѣческое житіе уставляху, иноческое и дѣвственное житіе отметаху. Показуя же онъ, богодуховный мужъ, яко двѣ житіи Христось и апостолы Его и святіи отцы уставша—иноческое дѣвственное, и брачное сопряженіе: сихъ ради словесъ о супружествѣ точію краткимъ словомъ вездѣ объемлетъ, объ иноческомъ же не тако, но объясненнѣ и продолжительнѣ творить слово. По ономъ вышереченномъ Петра апостола надпомянутіи, Марка апостола и Филона премудраго, самовидца Петрова, въ свидѣтельство ко иноческому ¹⁾ чину приводитъ. Таже, потомъ, и святаго Діонисія Ареопагита таинство иноческаго совершенія пространнѣйши пишетъ. Та же, по сихъ, та апостольская и святаго Діонисія словеса вкупѣ объемлетъ, сие глаголю: и якоже святіи и божественніи апостоли на двѣ жительствѣ человѣческое житіе уставша, на дѣвственное и на супружное, тако же и святой Діонисій Ареопагитъ, хотящимъ жити дѣвственное житіе и Писаніемъ изложи чинъ постриженію, хотящимъ же мирское житіе и супружнымъ быти, на воли

¹⁾ 1083: иноческому

коегождо положи; подобно же сему и святїи и божественнїи отцы наши законополагають и пишуть: глаголетъ убо великій Евсеій: ибо Христова церковь двѣ житїи законѣваетъ и образа: овому убо выше естества и общаго и человѣческаго житїя кромѣ, ни брака, ни дѣтотворенїя, второй же, иже браку причащается цѣломудренному и дѣтотворенїю; та же, по сихъ, приводитъ божественнаго Аанасїя и Василїя Великаго по сихъ же глаголетъ: подобно же тому и вси святїи и преподобнїи и богоноснїи отцы наши и священноначальнїцы и пастыри по апостольскому ¹⁾ преданїю, на двѣ жительствѣ уставляють христіанское житїе: на цѣломудрїе ²⁾ и на супружное. И во всѣхъ сихъ словесѣхъ преподобный отецъ не вспомяну вѣнчанїя, но индѣ убо на воли коегождо, индѣ браку причащается цѣломудренному, другойцы же на цѣломудренное и на супружное: и неуже кто, аще и зѣло бы неистовалъ какимъ реченїемъ, прирекъ бы, яко и святїи отцы безъ браковѣнчанїя сопрягатися уставїша? Явѣ бо и святыхъ отецъ священнїи чинъ, яко свѣщникъ воочїю всякаго правовѣрнаго предлежитъ—коимъ чиномъ бракъ цѣломудренный и супружества состоится. Якоже въ вышерѣченныхъ глаголахомъ, яко со благочестивымъ іереомъ и въ церкви бываетъ чинъ вѣнчанїемъ, а кромѣ того—яко беззаконенъ отъ церкви отмещется; и зѣло неправедно ³⁾ тѣмъ, иже и до крещенїя сшедшимся въ супружество по ветхому человѣку, а въ новаго человѣка облекшимся, а на супружество браковѣнчанїя церковнаго и іерейскаго благословенїя не имѣющимъ, а смѣшатися чадородїемъ, а не реку сквернитися не по христіански; а уповати на та вышереченная краткая реченїя, и надѣятися на та, чего тамъ не написано, а объясненная и свѣтлѣ и не въ покровѣ священнаго ⁴⁾ законоположенїя, и кромѣ того бывающимъ супружествамъ запрещенїя та мимо уши слушати.

И о сихъ убо преподобнаго Іосифа свидѣтельствовать. Упокоимъ нынѣ слово, да немногослаголанїемъ стужимъ прочитающимъ. (Хотяя же извѣстно увѣдѣти, да прочитаетъ все оно слово яже во Иноческомъ Потребникѣ напечатаное съ листа 328 до 360 листа, и съ Богомъ, помощникомъ обрящемъ ⁵⁾ разумъ,—о чесомъ бысть ему тѣпанїе писати, того ради о другихъ не объясненнѣ писаше. Къ сему же и въ книгѣ Кормчей главу 51, всю: и въ ней да обрящеть, какъ законнїи брады и супружества состоятся).

Нынѣ же и о семъ речемъ, яже ко укрѣпленїю таковыхъ сопряженїй изъ Кириловы книги внимающихъ реченнымъ

¹⁾ 1083: апостольскому

²⁾ 75: на цѣломудренное

³⁾ 1083 и 75: неправедно и бѣдно

⁴⁾ 1083 и 75: священнаго и церковнаго

⁵⁾ 75: обрящеть

во главѣ 44 о понуреніи новокрещенцовъ, глаголющихъ: яко неподобаетъ малыхъ дѣтей крестити; противъ того православныхъ отвѣтъ,—на листу 224 на оборотѣ сие глаголющъ: А того вѣдѣти не хотятъ, яко и малыхъ дѣтей крестиша апостоли, или не помнятъ того, яко Христосъ не посла учениковъ своихъ къ вѣрнымъ, но къ невѣрнымъ, ихъ же потребно первое учти, потомъ же крестити, нетокмо великихъ, но и со всѣми домашними ихъ, сирѣчь съ женою и съ дѣтьми; яко же и нынѣ, егда кто отъ жидовъ, или отъ еллиновъ, или отъ иныхъ невѣрныхъ, возрастной лѣты, восхоцетъ креститися, первое его православной вѣрѣ научити и, научивъ, аще имѣетъ жену и дѣти, привести его на то ученіемъ тѣмъ, дабы паки съ женою и съ дѣтьми и, просто рещи, со всѣмъ домою своимъ святое крещеніе прияли; тако бо и апостоли твориша, яко же Павелъ и Сила приведоша въ вѣру, стража онаго темничнаго, и крестиша со всѣмъ домою его; также и Криспа, начальника, и иныхъ многихъ, якоже и самъ Павелъ апостоль свидѣтельствуетъ, крестихъ же и Стефаниновъ домъ; тому же подобно Іоаннь Богословъ крести Мирона и жену его съ тремя сынами; и тамо же ниже приложи, яко одинаго дне крести мужей двѣсти и съ ними вкупѣ жены и дѣти ихъ; тако же и Анфипата судію съ женою и съ сыномъ. Сіа бо ¹⁾ суть неложная свидѣтельства, яко и апостоли дѣти крестиша, но и та свидѣтельства о крещеніи убо ясная, о супружествѣ же нимало надпомянутая ²⁾. И како мощно хотящимъ съ женами смѣшати безъ браковѣчанія, на сія уповати, чего здѣ не написано? О томъ написано, яко святіи апостоли крестиша мужей съ женами и съ домашними ихъ. Тако и подобаетъ глаголати и мудрствовати, яко крестиша и съ малыми дѣтьми; а како по крещеніи они начаша ³⁾ дѣвственное или супружное житіе, съ вѣчаніемъ или безъ вѣчанія, о томъ умолча писатель. Подобаетъ и намъ о сихъ молчаныхъ ⁴⁾ ничтоже мудрствовати, паче же по церковному законоположенію подобаетъ мудрствовати. А что речено тамо, яко же и нынѣ егда кто отъ жидовъ или отъ еллинъ и отъ иныхъ невѣрныхъ, возрастной лѣты, восхоцетъ креститися,—первое его православной вѣрѣ научити, и, научивъ, аще имѣетъ жену и дѣти ⁵⁾, привести его на то ученіемъ тѣмъ, дабы паки съ женою и съ дѣтьми и, просто рещи, со всѣмъ домою своимъ святое крещеніе восприяли. Подобнѣ вышереченнымъ, и сіе речено слово,—повелѣваетъ православнѣй вѣрѣ научити и на святое крещеніе привести съ женою и домашними, то подобаетъ и глаголати и мудр-

¹⁾ 75: сіа убо

²⁾ 1083: надпоминая

³⁾ 1083 и 75: начаша жити

⁴⁾ 1083 и 75: молчальныхъ

⁵⁾ 1083 и 75: дѣтей

ствовати о святой вѣрѣ и о святомъ крещеніи; да болѣе же ¹⁾), что реченныхъ не произносити слова. О брацѣ и о супружествѣ умолча здѣ, молчи и ты. Хочешь ли глаголати о немъ и учити, и не возбраняется: но не отъ своего разума, но отъ священнаго церковнаго преданія, гдѣ о немъ явѣ и яснѣ пишетъ.

И здѣ бо списавшему главизна она, о ней же намъ есть слово,—не о брацѣхъ бѣ ему нужда бесѣдовати, но на богоратныя ²⁾ оны языки глаголемыхъ новокрещенцовъ ополчаться, иже возбраняющихъ дѣтемъ святое крещеніе воспріимати: о содержащей къ боренію словесъ нужднѣ ³⁾), о томъ и объясняетъ, рекше о святомъ крещеніи, наипаче же о дѣтиномъ, о немъ же и рать бѣ ему съ суесловцы онѣми; о совокупленіи же брака молчитъ, объ немъ же не бѣ ему нужды въ то время глаголати. Подобаеть и намъ подобиться счиненію онѣхъ словесъ божественнаго Писанія: и учити и глаголати по нихъ о святомъ крещеніи, и яко и малыхъ дѣтей подобаеть крестити и противляющихся тѣми словесы заушати. А яже о собръженіи мужей и женъ тамо умолчано, не подобаеть и намъ самосмышлениѣ и бѣдовмѣтнѣ ⁴⁾ о сихъ глаголати, а наипаче дерзати ⁵⁾ тѣмъ смѣшати и уповати на та, чего не написано.

А еще и при толицѣмъ страхѣ, апостольскому священному слову ⁶⁾ глаголющу: Аще кто растлитъ церковь Божию, растлитъ того самого Богъ, зане отъ святого крещенія чловѣкъ бываетъ Церковь Божія чиста, свята и непорочна; аще ли кто ю блудно растлитъ въ себѣ или въ другомъ чьемъ лицѣ, самъ Богъ грознымъ и яростнымъ отмщеніемъ и Собою мстити хочетъ таковыхъ, рекше нестерпимыми и прегрознѣйшими муками, въ безконечныхъ огненныхъ и жупельныхъ мукахъ, якоже насъ божественная различная Писанія учать о сихъ; не блуднѣйшими бо очима зрѣти подобаеть таковымъ и желати и радоватися, аще откуда украдется и попустится таковое имъ житіе, но боятися и трепетати имъ подобаеть о сихъ, да не когда такового ради небраковѣнчаннаго смѣшенія чужды обрящутся здѣ соборныя апостольскія церкви, въ будущемъ же вѣцѣ да не внѣ небеснаго Женихова чертога изгнани будутъ, зане оскверниши боготканную одежду святаго крещенія. А наипаче при толикихъ страшныхъ запрещеніихъ, Господу глаголющу: горе неспраднымъ и доящимъ въ тыя дни; пророкомъ оплакующимъ жениха и невѣсту, яже при послѣднихъ временѣхъ;

1) 75: далѣе же

2) 75: богоратныя

3) 1083 и 75: нуждѣ

4) 1083: бѣдовмѣстнѣ

5) 75: дерзостнѣ

6) 1083 и 75: гласу

апостолу глаголющу: въ вавилонское разореніе гласъ жениха и невѣсты не услышится къ тому въ тебѣ; и богословцемъ отцемъ вѣщающимъ о таковыхъ: яко имущія во чревѣ разсядутся; священный церковный законъ яснѣйше трубы вѣщаетъ: изряднѣе же да вѣсть іерей, яко супружества между восхищающимъ и восхищенною, егда сама восхищенная въ власти восхитившаго ю пребываетъ, такожде и потаенная и вся прочая супружества, яже не съ благословеніемъ церковнымъ и чиннымъ отъ своего си пастыря, си есть отъ епископа или отъ тоя парохіи священника, вѣнчаніемъ при дву или трехъ поне свидѣтелей свершаемая, по соборному уставленію и святыхъ отецъ ученію,—незаконна, паче же беззаконна и ничто же суть. И въ Матѳеовѣ книгѣ въ составѣ 3-мъ, въ правилѣ Василія Великаго 32, объявляетъ про прежнее и еже намъ ¹⁾ утвержденное глаголетъ: но тогда убо съ пристатіемъ единѣмъ бракъ стояше, въ насъ же не убо состоятися можетъ, кромѣ священнословія.

Къ симъ прочее да умолчатъ въ нынѣшнее, послѣднее и плачу достойное время вси тѣи, иже и хотящія и потящіяся о томъ, дабы имъ въ супружествѣ женъ жити, и да гладкимъ дѣвства и чистоты шествуютъ путемъ. Аще ли же зѣло слабы и лѣнны, къ сицевымъ желатели же зѣльны и ревнители къ сопряженію женъ, и ни къ церковнымъ прочимъ законамъ такова усердія непоказующи, но бракъ, церковную тайну, всюду проповѣдующи, главизны отъ Писанія тѣ прочитающи, яко бракъ нѣсть возбраненъ отъ Бога, яко жена помощница мужу дана, и еще: лучше есть жинитися нежели разжизатися,—и сія горѣ и долѣ возвышаютъ гласы, еще же и христіанскихъ ревнителей, учителей оболгующи, яко бракъ возбраняютъ,—сіи да услышатъ отъ насъ, грубыхъ пустыножителей, да не клеветуютъ и на насъ напрасно: мы не возбраняемъ брака, почитаемъ дѣвство паче брака, и зѣло совѣтуемъ, по нуждному сему настоящему времени, не обремененнымъ чистымъ путемъ тещи; аще же кто и не послушаетъ, но хочетъ сопрящися, сопрягайся, не возбраняемъ, но точію по церковному преданію. И како? Слыши, что глаголетъ священный церковный законъ въ выше-реченныхъ: взыщи епископа благочестиваго, или отъ его парохіи священника, и блюди, чтобы оба были благочестивы, зане священникъ отъ епископа бываетъ, и отъ его правимъ и наставляемъ и разрѣшаемъ, и его повелѣніемъ вся тайны строить. Къ сему женихъ и невѣста были бы кромѣ всякаго препятія правильнаго; къ симъ же да обрящещи церковь благочестивую, по благословенію православнаго епископа освященную и отъ еретикъ не оскверняемую, и тако вѣнчайся, и живи ²⁾ по Божію закону, якоже лѣпо православ-

¹⁾ 75: нами

²⁾ 1083; и жити

нымъ христіянамъ, и клеветы не сшивай на смиренныхъ и безотвѣтныхъ пустынниковъ, яко бракъ возбраняють,—се и не возбраняють брака. Аще ли же кто правовѣренъ — и не можетъ обрѣсти ни епископа благочестиваго, ни съ нимъ, ни отъ его благословляемаго священника, къ симъ же ни жертвенника ¹⁾ православнаго: прочее въ сопряженіи жены, кромѣ сихъ, не дерзай, и ниже на насъ оглаголуй ²⁾: не мы сія, ими же бракъ состоится, отымаемъ, но законъ: епископъ ³⁾, іерей, и церковь, въ ней же вѣнчаніе, но Божиими праведными судьбами. Будеши ли отъ невоздержанія хулити для возбраненія сопряженія? Ужаснися, на кого поидеть ⁴⁾ хульное твое слово? Понеже Его владычнимъ священнымъ церковнымъ законамъ въ сихъ уставѣхъ бракъ заключися, а кромѣ сихъ отнюдь не попустися, его же судьбами той и отъяся. Прочее, аще и не воздерженъ еси, Законодавца убойся, Царя горнихъ силъ усрамися, священнаго церковнаго законоположенія устрашися, яже объявленъ вся супружества, кромѣ вышереченнаго церковнаго чиннаго браковѣнчанія, яко незаконны, отмещеть. И къ симъ убо отъ нашего малоумія довольно мнимъ во объясненіе священныя сія ⁵⁾ браковѣнчанія тайны.

Къ вамъ же, о боголюбивіи церковніи питомницы, ты убо, о боголюбивый верше, Θεодосіе Васильевичъ, и прочіи благочестивіи во единомъ православіи согласіи пребывающіи, учителей сословіе вкупѣ съ церковнымъ причтомъ и со всѣми яже о Христѣ братією и боголюбивыми христіяны: сіе наше бесѣдованіе, яже мы дерзнухомъ отъ любви понуждаеми, сошедшіися соборнѣ, и усовѣтовавши писати къ вашей любви, сицевыми бесѣдами надѣвочися на вашу боголюбную любовь, зане извѣстихомся, яко къ единому зрите—ко исправленію ⁶⁾, яже къ Богу благоугожденія. И не вся убо, яже отъ насъ писаная къ вашему учителей сословію,—ни убо, и не буди намъ таково безумно что дерзати, еже отъ Бога просвѣщенныхъ, и инѣхъ научающихъ, многословіемъ наказати. Аще и вамъ отъ преподобнаго смиренія обыкновенно не точію учти, но и научатися, къ вамъ убо точію въ нашемъ писаніи, по премудрому нѣкоему мужу, глаголющу: дай премудрому вино и премудрѣе будетъ. Прочая же ина убо яже отъ васъ ⁷⁾ учимѣй дружинѣ. Наипаче же во иже въ небраковѣнчанномъ сожитіи пребывающимъ, овымъ и

¹⁾ 1083: жертвенника

²⁾ 1083: о глаголуя

³⁾ 1083: по законъ сирѣчь аписконъ

⁴⁾ 75: поидеть

⁵⁾ 1083: во объявленіе священныхъ сія

⁶⁾ 1083: исправленію

⁷⁾ 1083: отъ насъ

боголюбивымъ христیانомъ, ихъ же и молимъ отстати отъ таковыхъ. Другая же и ко иже зълнѣ къ незаконному смѣшенію прилежащихъ и брачитися еще произволяющихъ или и брачившихся, еще же и ратоватися и боритися со учительными людьми готовыхъ сущихъ, къ симъ же и всегда подконы и поимы дѣющихъ: во уврачеваніе таковымъ, мала и кратка словеса здѣ вписашася.

Но и во всѣхъ сихъ словесѣхъ нѣсть бо, нѣсть намъ довольнымъ быти таковыхъ научити, но точію отъ себе что, поелику сила къ полезному внести, и примѣситися и дѣливымъ къ вашему бодрому учительству, прилежаніе ¹⁾ вѣще имѣти намъ — кои же во христیانѣхъ до крещенія шедшимся въ супружество и по крещеніи безъ браковѣчанія чадородствующимъ. Молимъ же и вашу учительскую свѣтлость, да исправите сія врачевскою вамъ отъ Бога даннаго хитростію. А яко же отъ вашей боголюбныя ревности отсѣчены отъ церкви, яже незаконнѣ по святѣмъ ²⁾ крещеніи брачившіяся, къ нимъ же не мало обрящеть кто реченныхъ въ семъ нашемъ свитцѣ. Сице, боголюбезнѣйшии, потщитесь кои и до крещенія въ невѣдѣніи шедшіеся съ женами, да по крещеніи обрящутъ вѣдѣніе, до безмѣстно дѣвственно живутъ житіе, да плевель безъ браковѣчаннаго смѣшенія истребитися, очистятся церковныя вины ³⁾ и чисто покажется отъ скотоподобнаго ⁴⁾ невоздержнаго житія благовѣрія село, и боготканная святаго крещенія одежда не навѣтуется отъ браковѣчаннаго чадородія, и церковныя тайны не смѣснѣ да покажутся коеяждо ⁵⁾ своимъ дѣйствомъ и чиномъ. Аще ли же что инако возмнится вашей любви, или укрѣплятися нѣкимъ о таковыхъ сожитіихъ, отъ какихъ ⁶⁾ свидѣтельствъ Писанія, то молимъ вашу любовь, да противъ сихъ бесѣдованій нашихъ къ намъ отпишите и силу словесъ, яже аще возмнятся превосходити вышереченная свидѣтельства, да покажете. Да (будеть) вся, яже отъ нашей грубости къ вашему боголюбію, и отъ вашего благоразумія къ нашему недостаточеству,—во мнозѣ совѣтъ спасеніе бываетъ ⁷⁾. Яже отъ обоихъ разумѣній Божія усмотрѣно, Божія ради благодати сообщено ⁸⁾, да единомышленіе отъ таковыхъ возсіяетъ и недостаточное кое у кого разумѣніе да

¹⁾ 1083: прилежаніемъ же

²⁾ 1083: по святомъ

³⁾ 75: нивы

⁴⁾ 1083: отъ скотоподобольпна

⁵⁾ 75: каяждо

⁶⁾ 1083: отъ таковыхъ

⁷⁾ 75: во мнозѣ совѣтъ, ибо въ томъ спасеніе бываетъ

⁸⁾ 1083 и 75: яже отъ обоихъ разумѣній Божія ради благодати усмотрѣно и сообщено

направится, и исполнится писанное. Братъ братомъ помогаемъ, яко градъ непреборимъ. Да отъ сихъ нашихъ, яже о благочестіи подвиговъ, церковь да свѣтлѣется, и праведніи ¹⁾ да просвѣщаются, противніи же да посрамляются, и бѣжать лукавіи бѣсовѣ. Во всѣхъ же сихъ да славится едино тріипостасное Божество Отца и Сына и Святаго Духа, нынѣ и присно, и во вѣки вѣкомъ, аминь.

Сообщилъ проф. П. Смирновъ.

¹⁾ 75: и правовѣрніи



САНКТ-ПЕТЕРБУРГСКАЯ ПРАВОСЛАВНАЯ ДУХОВНАЯ АКАДЕМИЯ

Санкт-Петербургская православная духовная академия — высшее учебное заведение Русской Православной Церкви, готовящее священнослужителей, преподавателей духовных учебных заведений, специалистов в области богословских и церковных наук. Учебные подразделения: академия, семинария, регентское отделение, иконописное отделение и факультет иностранных студентов.

Проект по созданию электронного архива журнала «Христианское чтение»

Проект осуществляется в рамках компьютеризации Санкт-Петербургской православной духовной академии. В подготовке электронных вариантов номеров журнала принимают участие студенты академии и семинарии. Руководитель проекта — ректор академии епископ Гатчинский **Амвросий** (Ермаков). Куратор проекта — проректор по научно-богословской работе священник Димитрий Юревич. Материалы журнала готовятся в формате pdf, распространяются на DVD-дисках и размещаются на академическом интернет-сайте.

На сайте академии
www.spbda.ru

- события в жизни академии
- сведения о структуре и подразделениях академии
- информация об учебном процессе и научной работе
- библиотека электронных книг для свободной загрузки